

Na osnovu člana 90. Zakona o javnim nabavkama Bosne i Hercegovine („Službeni glasnik BiH“, broj: 39/14), člana 7. stav (b) Pravilnika o postupku direktnog sporazumu („Službeni glasnik BiH“, broj: 90/14) i Pravilnika o postupku direktnog sporazuma Centralne harmonizacijske jedinice broj: 04-1-02-2-62-1/15 od 18.02.2015. godine, a nakon provedenog postupka javne nabavke putem direktnog sporazuma za nabavku prirodne izvorske vode i korištenje aparata za vodu, zaključen je:

U G O V O R

o nabavci prirodne izvorske vode i korištenju aparata za vodu
za potrebe Centralne harmonizacijske jedinice Ministarstva finansija i trezora BiH

Između:

1. Centralna harmonizacijska jedinica Ministarstva finansija i trezora BiH, Trg Bosne i Hercegovine 3, koju zastupa direktor Ranko Šakota (u daljem tekstu: Kupac)
- i
2. „Atal Group d.o.o.“ Sarajevo, Tvornička 3, koju zastupa direktor Almir Hamzić (u daljem tekstu: Prodavac)

Član 1.

- (1) Predmet ovog ugovora je sukcesivna isporuka prirodne izvorske vode „Bijela voda“ (u daljem tekstu: roba), koju će Prodavac isporučiti Kupcu prema odredbama ovog ugovora, po ukupnoj cijeni ponude u iznosu od 769,50 KM bez PDV – a, na godišnjem nivou.
- (2) Prodavac Kupcu daje na korištenje četiri aparata za vodu (water cooler), čiju upotrebu će regulisati posebnim reversom.
- (3) Sastavni dio ovog ugovora je Ponuda broj: 04-04/2022 od dana 05.04.2022. godine.
- (4) Kupac naručuje predmetnu robu a Prodavac prihvata da vrši sukcesivnu isporuku prirodne izvorske vode, na osnovu provedenog postupka nabavke putem direktnog sporazuma i Odluke Ugovornog organa o izboru ponuđača za nabavku prirodne izvorske vode i korištenje aparata za vodu broj: 04-1-16-10-10-4/22-JN od 06.04.2022. godine.

Član 2.

U obim roba iz člana 1. ovog Ugovora podrazumijevaju se sljedeće robe po prihvaćenim cijenama sa PDV – om:

R.b.	Naziv nabavke	Jedinica mjere	Predviđena količina	Jedinična cijena bez PDV-a	Ukupna cijena bez PDV – a
1.	Prirodna izvorska voda	galon 18,9 l	90 galona	8,55	769,50
2.	Sanitacija i servis aparata	4 aparata po reversu	4 puta godišnje	gratis	gratis
3.	Ukupna cijena ponude bez PDV-a:				769,50
4.	Popust na cijenu ponude:				0,00
5.	Ukupna cijena ponude bez PDV-a sa uključenim popustom:				769,50
6.	PDV na ukupnu cijenu ponude:				130,82
7.	Ukupna cijena ponude sa PDV-om:				900,32

Član 3.

- (1) Kupac je dužan omogućiti sanitaciju „water cooler“ aparata svaka 3 mjeseca koja se obavlja u prostorijama Prodavca o čemu postoji evidencijska kartica na aparatu.
- (2) Cijena sanitacije i servisa aparata je GRATIS.
- (3) Kupac dobija zamjenski aparat koji je higijenski i tehnički ispravan.

Član 4.

Kupac se obavezuje da će:

- a) garantovati za pravilnu upotrebu aparata, a na osnovu uputstava o korištenju aparata koja se nalaze na aparatu ili kao prilog ovog ugovora;
- b) redovno plaćati dospjele fakture.

Član 5.

- (1) Prodavac se obavezuje da će u skladu sa članom 1. ovog ugovora robom redovno snabdijevati Kupca, u skladu sa njegovim potrebama i narudžbama.
- (2) Prodavac se obavezuje da će isporuku robe iz člana 1. ovog ugovora izvršiti prema nalogu Kupca, u roku od najkasnije 1 (jedan) radni dan od momenta narudžbe od strane Kupca.
- (3) Za mjesto isporuke ugovara se adresa Trg Bosne i Hercegovine 3, Sarajevo, u okviru radnog vremena Centralne harmonizacijske jedinice Ministarstva finansija i trezora BiH od 09:00 do 17:00 sati.

Član 6.

Prodavac može zatražiti povrat aparata ukoliko Kupac ne koristi isti na način utvrđen Ugovorom i priloženim uputstvima. U slučaju otuđenja ili uništenja opreme ili njezinog prekomjernog oštećenja za vrijeme dok se nalazi u posjedu Kupca, Kupac prodavatelju odgovara za naknadu štete do visine vrijednosti aparata.

Član 7.

Kupac će biti zadužen ambalažom koju će nakon eventualnog prekida ugovora vratiti Prodavcu ili će u slučaju gubitka ili uništenja (oštećenja) iste, platiti njenu novčanu protuvrijednost u iznosu od 12,00 KM po komadu.

Član 8.

- (1) Prodavac se obavezuje da robu fakturiše u ugovorenim rokovima, na osnovu otpremljenih dokumenata (otpremnica i sl.) potvrđenih od strane Kupca da je preuzeo robu, te izdao i predao fakture i to na dan preuzimanja robe.
- (2) Kupac će plaćati fakturu za isporučenu robu propisanim platnim nalogom za plaćanje u roku od 15 dana od dana obaveze navedene u stavu (1) ovog člana.

Član 9.

- (1) Prodavac se obavezuje na nepromjenljivost ponuđenih cijena tokom cijelog ugovornog perioda, osim u slučaju promjena cijena na tržištu, o čemu je obavezan obavijestiti Kupca i dostaviti pismeno obavještenje uz ispostavljenu fakturu za isporučenu robu.
- (2) U slučaju promjene cijena na tržištu, Prodavac je dužan obavijestiti Ugovorni organ i dostaviti pismeno obavještenje uz ispostavljenu fakturu za isporučenu robu.
- (3) Izmjena cijena se ne može vršiti bez saglasnosti Kupca, uz relevantni dokaz o promjenama cijena na tržištu.

Član 10.

- (1) Prodavac se obavezuje da će isporuku predmetne robe izvršiti u skladu sa zahtjevima Kupca i da će odmah postupiti po eventualnim primjedbama Kupca, u pogledu nedostataka na ime kvaliteta izvršene nabavke.

- (2) Kupac je obavezan dostaviti pismeno obavještenje o svakom navedenom propustu Kupca po Ugovoru.
- (3) Kupac će utvrditi razuman rok za ispravku propusta Prodavca u smislu izvršene nabavke.
- (4) U slučaju eventualnih primjedbi Kupca na kvalitet i količinu isporučene robe, Kupac može Ugovor djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu istog.

Član 11.

Ugovorne strane saglasno utvrđuju i ugovaraju sljedeće: ukoliko Kupac ne plati robu u roku utvrđenom u ovom ugovoru, Prodavac će kupcu zaračunati zakonsku godišnju kamatu CBBIH koja teče od dana valute do dana plaćanja.

Član 12.

Ovaj ugovor zaključuje se na određeno vrijeme, u trajanju od 12 mjeseci a počevši od 13.04.2022. godine.

Član 13.

Odredbe ovog ugovora ne mogu se mijenjati nakon njegovog zaključenja.

Član 14.

Eventualno nastale sporove pri realizaciji ovog ugovora, ugovorne strane će rješavati mirnim putem, u protivnom, ugovara se nadležnost Suda Bosne i Hercegovine u Sarajevu.

Član 15.

Svaka od ugovornih strana može otkazati ovaj ugovor, pismenim putem, uz otkazni rok od 15 dana iz razloga propisanih Zakonom o obligacionim odnosima.

Član 16.

Na osnovu prava i obaveze ugovornih strana, koje nisu regulisane ovim ugovorom, primjenjivat će se odredbe Zakona o obligacionim odnosima.

Član 17.

Ovaj ugovor je sačinjen u četiri istovjetna primjerka, od čega svaka ugovorna strana zadržava po dva primjerka.

PRODAVAC
„Atal Group d.o.o.“ Sarajevo


Direktor
Almir Hamzić



KUPAC

Centralna harmonizacijska jedinica
Ministarstva finansija i trezora BiH


Direktor
Ranko Šakota

Broj: 2480-14.04-22/07
Sarajevo, 14.04.2022.

Broj: 04-1-16-10-10-6/22/N
Sarajevo, 08-04-2022.